

# Sakspapir

Saksbehandlar	Arkiv	ArkivsakID
Helge Kvam		14/1333

Saksnr	Utvalg	Type	Dato
18/2014	Utval for levekår	PS	01.04.2014
	Utval for levekår	PS	

## Temaplan helse, sosial og omsorg 2015-2018

### Vedlegg:

Versjon 24.03.14 - Temaplan helse, sosial og omsorg 2015-2018

Versjon 24.03.14 - Alkoholpolitisk handlingsplan i Meland kommune

### Saksopplysningar:

#### Bakgrunn

Overordna mål i kommuneplan må konkretiserast med strategiske vegval og virkemiddel. Dette er løysingar som skal kunne dokumentere at Meland kommune arbeider målretta, systematisk og langsiktig for å nå visjon om å vere eit samfunn for alle.

Meland kommune skal planlegge, gjennomføre, evaluere og korrigere verksemda slik at tenesta sitt innhald og omfang er i samsvar med fastsette lovkrav og innbyggjarbehov. Forvaltning og tenesteyting skal organiserast slik at den er best mogleg skikka til å forvalte samfunnsansvaret kommune har. Dette tyder mellom anna at den einskilde innbyggjar kan leve eit trygt, meiningsfullt og mest mogleg sjølvstendig liv uavhengig sosiale og helsemessige utfordringar eller funksjonssvikt. Heilskapleg og samanhengande tenester i eit livsløpsperspektiv kombinert med individuelt tilpassa tilbod av god kvalitet er difor sentralt.

Temaplan er del av kommunen sin verksemdstyring. Kommuneplan er overordna og langsiktig, og temaplan skal nyttast som eit mål- og strategidokument med rullering kvart 4. år. Temaplan skal syne retningsval meir enn å vere tiltaksorientert. Konkrete val av ressursinnsats og tiltak må relaterast til årleg budsjettprosess, samt eigne handlingsplanar for dei einskilde tenestekområde.

Det er ei samla målsetting at strategival innan helse, sosial og omsorg skal bidra til å sikre at forvaltning og tenesteyting i Meland kommune kan dokumentere å:

- vere virkningsfulle og føre til planlagd gevinsthausting
- vere trygge og sikre for å unngå utilsikta hendingar
- involvere brukar og gje reell medverknad
- vere samordna og prega av kontinuitet
- utnytte ressursane på ein god og effektiv måte
- vere tilgjengelege og rettferdig fordelt

Alkoholpolitisk handlingsplan ligg som vedlegg til temaplan.

### **Vurdering**

Administrasjon legg no fram eit utkast til plandokument for drøfting i Utval for levekår. Planarbeidet er i kontinuerleg framdrift, og er difor ikkje eit endeleg utkast til høyringsdokument. Aktuelle innspel og drøftingar i utvalet vert innarbeida i plandokument, og temaplan er planlagt sendt på høyring medio april. Temaplan med vurdering av høyringssvar er deretter planlagt handsama i Utval for levekår 3. juni og Kommunestyret 18. juni.

Folkehelse

Miljø

Økonomi

### **Konklusjon**

Rådmann legg fram eit utkast til temaplan innan helse, sosial og omsorg. Alkoholpolitisk handlingsplan ligg som vedlegg. Utkast til temaplan er eit arbeidsdokument, der aktuelle innspel frå utvalet vert å innarbeide før utsending til høyring og vidare politisk handsaming.

### **Framlegg til vedtak:**

Utval for levekår ber administrasjon innarbeide aktuelle innspel frå drøfting i utvalet jamfør utkast for Temaplan helse, sosial og omsorg samt Alkoholpolitisk handlingsplan. Utvalet ber administrasjon sende plandokument på høyring medio april, og førebu politisk handsaming i juni 2014.

### **Utval for levekår - 18/2014**

#### **ULK - behandling:**

#### **Framlegg til vedtak i møtet frå Sølvi Knudsen (Sp):**

"Utval for levekår ber administrasjonen innarbeide aktuelle innspel frå drøfting i utvalet jamfør utkast for Temaplan helse, sosial og omsorg samt Alkoholpolitisk handlingsplan. Saka vert teke opp til drøfting på møte 3.juni før temaplanen vert sendt ut på høyring."

Framlegget frå Sølvi Knudsen vart **samrøystes vedteke**.

#### **ULK - vedtak:**

Utval for levekår ber administrasjonen innarbeide aktuelle innspel frå drøfting i utvalet jamfør utkast for Temaplan helse, sosial og omsorg samt Alkoholpolitisk handlingsplan. Saka vert teke opp til

drøfting på møte 3.juni før temaplanen vert sendt ut på høyring.

, den 20.03.2014

Helge Kvam  
rådgjevar pleie og omsorg og sosial